

## Paerewa Paetae

<b>Aronga</b>	Te Reo Rangatira 1.4		
<b>Ingoa</b>	Te whakapuaki whakaaro hei tuinga auaha		
<b>Kaupae</b>	1	<b>Whiwhinga</b>	3
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Te Reo Rangatira		
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013
<b>Te rā e arotakengia ai</b>	31 Hakihea 2019	<b>Te rā i puta ai</b>	12 Hakihea 2013

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*ā-Tā, Āheinga Reo*

- 1 *Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.*

*ā-Tā, Puna Reo*

- 2 *Ka whānui te puna kupu e taea ai te tautoko, te whakawhiti māramatanga, te whakakotahi hei whakatau, hei whakaiti rānei.*

*ā-Tā, Rautaki Reo*

- 5 *Ka whakahāngai i ngā āhuatanga o te whakatakoto kōrero hei whakaihi i te kaipānui kia aro mai ki tā te kaituhi e hiahia ai.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa-Taumata-Matauranga-a-Motu-Ka-Taea>.

**Paerewa Paetae**

<p><b>Paetae</b> Te whakapuaki whakaaro hei tuhinga auaha.</p>	<p>Hei tohu i te paetae:</p> <ul style="list-style-type: none"> <li>• Ka hāngai, ka raupapa, ka whaihua ngā whakaaro kia tatū ai te kaupapa, kia aro mai ai te hunga pānui.</li> <li>• Ka whakamahi i ngā nuka reo e hāngai ana ki te momo tuhinga.</li> <li>• Ka whai i ngā tikanga tuhi.</li> </ul>
<p><b>Kaiaka</b> He kaiaka te whakapuaki whakaaro hei tuhinga auaha.</p>	<p>Hei tohu i te kaiaka:</p> <ul style="list-style-type: none"> <li>• Ka āta tuitui i ngā whakaaro.</li> <li>• Ka hāpai ngā nuka reo i te momo tuhinga.</li> </ul>
<p><b>Kairangi</b> He kairangi te whakapuaki whakaaro hei tuhinga auaha.</p>	<p>Hei tohu i te kairangi:</p> <ul style="list-style-type: none"> <li>• Ka riro te hunga pānui i te wana o te tuhinga, arā, ko: <ul style="list-style-type: none"> <li>– te nanakia o ngā whakaaro</li> <li>– te toki o ngā nuka reo.</li> </ul> </li> </ul>

**Kōrero Āpiti**

1 E whai ake nei ko te whakamāramatanga o ngā kupu whaitake, kīanga rānei:

nuka reo	He tikanga motuhake hei kawē whakaaro, hei kawē kōrero. Ko ētahi o ngā nuka reo i tēnei paerewa ko te whakataukī, ko te kupu whakarite, ko te whakatangata, ko ngā kupu honohono.
te nanakia o ngā whakaaro	He neke atu te pai o ngā whakaaro me te āhua o te tārai i ngā whakaaro i tērā e whakaponotia ana ka puta i tēnei taumata.
te toki o ngā nuka reo	Ko te āhua o te kawē i ngā nuka reo, he auaha tonu, he neke atu te pai i tērā e whakaarotia ana ka puta i tēnei taumata.
te tikanga tuhi	Ko te whakatakoto kōrero, arā, ko te kārawarawatanga, ko te wetereo, ko te hanga kupu.

2 He whānui ngā momo tuhinga auaha ka taea: he mōteatea, he kōrero poto, he whakaari, he waiata, he haka, he aha atu, he aha atu.

Kuputaka:

kārawarawatanga

punctuation

nuka reo

literary device

tikanga tuhi

writing convention

whakatangata

personification

---

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233